



UNIVERSITÄTS-
BIBLIOTHEK
PADERBORN

Universitätsbibliothek Paderborn

S. Ioannis Damasceni Historia, De Vitis Et Rebus Gestis SS. Barlaam Eremitæ, Et Iosaphat Indiæ regis

Johannes <Damascenus>

Coloniæ, 1624

Capvt I. Rex Indorum Abenner idolis & impuro luxui deditus, in Monachos persecutionem mouet, quibus præcipuè infensus erat, propter viros aliquot Senatorij ordinis, qui aulicis delicijs abdicatis ...

urn:nbn:de:hbz:466:1-45244

Huic igitur ipse quoque regulæ insi-
stens, ac præterea impendens ignauo il-
li seruo periculum metuens, qui talen-
tum à Domino acceptum in terram ab- *Matt. 25.*
didit, quodq; ei quæstus faciendi causa
datum erat, ita occultauit, ut nihil ex eo
lucri faceret, historiam animabus uti-
lem, ad me vsque allatam silentio mini-
mè præteribo, quam mihi pij quidam
viri interioris Æthiopiæ (quos Indos
vocant) ex veris commentarijs transla-
tam narrauerunt. Hæc porro ad hunc
modum se habet.

REX INDORVM ABENNER
*idolis & impuro luxui deditus, in Mona-
chos persecutionem mouet, quibus præcipuè
inensus erat, propter viros aliquot Senato-
rij ordinis, qui aulicis delicijs abdicatis,
eremiticam vitam ample-
ctebantur.*

CAPVT I.

INDIA, quæ ingens, ac frequentissima
est regio, procul ab Ægypto distat,
atque vndique ab Ægypti parte mari al-
luitur: à continente autem ad Persidis
fines accedit. Ea porro atra Idololatriæ
caligine olim obducebatur, atque ex-
trema barbarie scatebat, nefarijsque fla-
gitijs addicta erat. Posteaquam autem *Ioan. 1.*
vniuersus Dei filius, qui est in sinu Pa-

B 5

tris,

*Christi
incarna-
tio, vita
& doctri-
na.*

Luc. I.

*Thomas
in Indiam
mittitur.*

tris figmentum suum peccati seruitute
oppressum indigno animo cernens, mi-
sericordia erga ipsum commotus, instar
nostri excepto peccato apparuit, ac Pa-
tris throno relicto, nostræ salutis causa
(hoc est vt nos in cælis habitaremus, at-
que à veteri lapsu excitaremur, ac pec-
cato liberati priorem adoptionem reci-
peremus :) in Virginis corpore habita-
uit, atque expletis omnibus carnis pro-
pter nos assumptæ muneribus, Crucem
ac Mortem suscipiens, ac terrenis mirā-
dum in modum cum cælestibus cōiun-
ctis, à morte ad vitam rediens, & cum
gloria in cælos ascendens, & in Patris
dextra magnificè sedens, Spiritum Pa-
raclerum discipulis, à quibus cōspectus
fuerat, pro eo, ac promiserat, in ignea-
rum linguarum forma misit, ipsosque
ad omnes gentes legauit, vt eos qui in
ignorantiæ tenebris sedebant, illumina-
rent, atque *in Patris & Filij & Spiritus S.*
nomine baptizarent, adeo vt deinceps
illi, partim Orientales sedes, partim
Occidentales regiones, quæ ipsis obti-
gerant, circūirent, ac Septentrionalia,
& Meridionalia climata peragerent,
vt imperatum munus exequerentur, tū
sanctissimus quoque Thomas, vnus ex
duodecim Christi Apostolis, in Indiam,
salutiferæ doctrinæ illic prædicandæ cau-
sa mis-

sa missus est. Domino autē cooperante, ac sermonem per sequentia signa cōfirmante, Gentilitiæ superstitionis tenebræ depulsæ sunt, atq; illi simulacrorum sacrificijs & cultu liberati, ad rectā fidem se adiunxerunt. Sicque Apostolicis manibus velut resicti, Christo per Baptismum conciliati sunt: ac tacitis incrementis augescentes in fide, ab omni labe aliena proficiebant, Ecclesiasq; per totam regionem extruebant.

Marc. ult.

Cū autem etiam in Ægypto monasteria exædificari, ac monachorum ingentia agmina cumulari cœpissent, atque eorum virtutis, & vitæ rationis, ad Angelorum imitationem accedentis, fama orbis terrarum fines peruasisset, atque ad Indos vsque peruenisset, ipsos quoque ad eiusdem vitæ studium excitavit: adeo ut complures ipforum relictis omnibus rebus in solitudines concederent, atq; in mortali corpore, eorū qui corporis expertes sunt vitæ rationē susciperent. Cum igitur res præclaro statu essent, atque aureis pennis, ut dici solet, in cælū pleriq; conuolarent, exurgit quidam Rex in eadē regione, Abenner nomine, vir opibus quidē ac potentia, victorijsque & bellica fortitudine, corporisq; proceritate insignis, ac præterea vultus elegantia clarus, atq; ob munda-

Laudes monachorum.

Abenner Indorum Rex, Idolatra.

nos occyffimeque marcescentes rerum
 successus insolenter se efferens, cæte-
 rum quantum ad animam attinebat,
 extrema paupertate laborans, ac multis
 malis constrictus, & enectus, quippe
 qui Gentilium partes teneret, ac super-
 stitioso Idolorum errori magnopere ad-
 dictus esset.

*Nemo ex
 omni par-
 te beatus.*

Porro cum Rex in magnis deliciis,
 ac vitæ oblectamentis, & voluptatibus
 versaretur, nec res vlla esset, quæ non
 ex ipsius voluntate, ac cupiditate succe-
 deret, vnum id demum erat, quod ipsi
 lætitiã interrumperet, animumque
 ipsius curis pulsaret, nimirum *sterilitatis*
 malum. Nam cum filijs careret, hæc
 cum cura sollicitum habebat, quonam
 pacto his vinculis solueretur, ac susce-
 ptis liberis patris nomẽ obtineret? quo
 videlicet apud plerosque nihil est opta-
 rius. Atque huiusmodi Rex hic erat, ea-
 que mente ac sententia.

At illustrissima Christianorum natio,
 & monachorum cateruæ, regis cultum,
 ac venerationem pro nihilo ducentes,
 nec ipsius minas metuentes, per Dei
 gratiam amplissimos progressus facie-
 bant, vt qui in multitudinem omni ser-
 mone maiorẽ excrescerent, ac paruam
 omnino regis rationẽ haberent, ijs autẽ
 rebus, quæ ad Dei cultum pertinebant,
lingu-

singularem in modum dediti essent. Ac propterea permulti ex ijs, qui ad monasticum ordinem sese contulerant, omnia quidem ea, quæ in vita iucunda sunt, peræque contemnebant, soliusque pietatis amore tenebantur, ac mortis pro Christo subeundæ siti, futuræque beatitudinis cupiditate flagrabant. Eoq; nomine, non timido, ac dubitante animo, verum perquam fidenti, ac libero salu-
 riferum Christi nomen prædicabāt, Christumque vnum in ore habebant, atque fluxam, & caducam præsentium rerum naturam, futuræque vitæ firmitatem & immortalitatem omnibus palam apteque demonstrabant, ac velut subsidia quædam, & semina ipsis porrigebant, quorum ope ad Deum sese conferrent, vitamque in Christo absconditam consequerentur. Ex quo effectum est, ut multi, suauissima illa doctrina percepta, ab acerbis erroris tenebris abscederent, atque ad dulcem veritatis lucem sese adiungerent: vsque adeo ut nonnulli, etiam illustres viri ac senatores, abiectis huius vitæ sarcinis, in monachorum album sese ascriberent.

*Christia-
norum
virtus.*

Coloss. 3.

*Illustres
viri ad
Religionem
transiit.*

Rex autem ubi hæc intellexit, ingenti iracundia commotus, atque indignatione feruens, statim edicto sanxit, ut Christiani omnes pietatem eiurare co-

*Persecu-
tia Regis.*

gerentur. Ac deinceps noua supplicio-
rum genera comminiscebatur, atque
inuitata mortis genera minabatur, lit-
terasque ad omnes regionis ditioni suæ
subiectę partes mittebat, quibus & præ-
fectis, & Ducibus imperabat, ut tormen-
tis, atque iniquis cædibus, in homines
pietate præditos grassarentur. Præser-
tim autem, in præstantissimos quosque
monastici ordinis excandescibat, atque
implacabile aduersum eos bellum exci-
tabat. Ob eamque causam piorum ple-
rique animo vacillabant: alij autem,
quia cruciatibus ferendis impares erant,
nefario ipsius imperio parebant.

*Religioso-
rum con-
stantia.*

At verò monasticæ classis Duces at-
que antistites, partim ipsius iniquitatē
coarguentes ac refutantes, martyrio vi-
tam finiebant, atque ad sempiternā bea-
titudinē perueniebant: partim in solitu-
dinibus, & montibus sese occultabant,
non tormentorum, quæ ipsis denuncia-
bantur, metu, verum diuiniore quodam
consilio ac prouidentia.

DE PROCERVVM REGIORVM

*Principe, qui solitariam vitam am-
plexus est.*

CAPVT II.

CVM itaque huiusmodi caligo In-
dorum regionem inuasisset, ac pij
& sancti